FERSERS CO ٢١٠٠ دالم كتاب تورات دغن بهاس موده بایج نمبر ت

چریتا ۲ دالم کتاب تورات دفن بهاس موده باچ

وک	<u>م</u>	يتري
	<u>یم</u> نبي یمقوب برکنن کا یوسف	. 1
4	كاكق م يوسف جوال دي	. 2
	يوسف كنا بوبوه دالم كوق	•
9	يوسف تعبير ميمغي اورغ دالم كوق	. 4
12	راج نگری مصیر میمغی جوک	.5
	کاکق ۲ نبي يوسف تا ^۶ کنل دي	٠6
21	نبي يعقوب في تمو نبي يوسف دنگري مصير.	.7

نبي يعقوب بركنن كايوسف

نبي يعقوب دودوق دغن فق سودارا دي د نكري جاؤه دوا فولوه تاهون لبيه ، باروله دي كليق ني دودوق د نكري كنعان . نكري كنعان نيله مق توهن جنجي ده دولو كات نق جادي فساك هق نبي ابراهيم دغن كتورونن دي . فس فول توهن جنجي سروف تو جوك كا نبي يعقوب هق جادي كنورونن نبي ابراهيم سائني ، كات : يعقوب المواهيم سائني ، كات : يعقوب إ نكري ني اكو نق بري جادي ميليق مو يعقوب ، هق نق ميقك سمغي كا كتورونن مو فون ، هق نق جادي بايق سروف فاسير دفنتى .

انق جنتن نبي يعقوب

بوليه سموان دو بلس اورغ . يوسف دغن المريق دي بنجامين، المريق دي بنجامين، المريق في المنفق المريق ال

2 كا يوسف كاين هق هرك مهل، كاكن يوسف فون بردغكي كا دي .

فد ساتو مالم ، يوسف ميمفي ، تيڤوق كمل كندوم دوق كمل ٢ تو ، فس دي تيڠوق كمل مق كاكق٢ دي . كمل مق كاكق٢ دي تو مق دي دوق برديري سا ، مق كاكق٢ دي تو توندوق كا مق دي بلاك .

فس يوسف ميمفي فول ، تيڤوق متهاري بولن ، دڠن بينتڠ سبلس بوتير ، ماري توندوق كا دي جوڭ .



3 بیلا یوسف رویت کاکاکق۲ دی هق دی میمفی تو ، کاکق فون کهور بنچی لاّئی کا یوسف کات : مو نق جادی راج که ، اتس فواق کیت ؟

دعا

يا توهن بفاكو، اكو مقاكوكات اكو ني بياس براس كچيك هاني سبب اورغ لاين تريما هق موليق، اكو دق. فس اكو براس دغكي سبب اورغ لاين كنا فيليه، اكو دق.

اكو تامو دلا كات توهن تا ُ بركنن فراسائن سروف ني .

اكو مينتام توهن سالين هاتي كو بري بارو ، بري اكو فندي مرندهكن هاتي ، فس كاسيه كا اورغ لائين .

> اكو منتتا ً دغن نام ربي . امين .

كاكق ٢ يوسف جوال دي

فد ساتو هاري نبي يعقوب سوروه انق دي يوسف ، كات : كيله تيغوق كاكن ٢ هن دوق فيرا كمبيغ بيريغ ايه ، ديه ، فس ماري رويت كا ايه . يوسف فون كي ، بلوم برتمو لاكي دغن كاكن ٢ دي كاكن دي نمفق يوسف دولو .

دي كات: ها أ تو دق أ أورغ هق فندي ميمفي ا بائك كيت بونوه دي ، فس رويت كا ايه كات بناتغ بيڤكيغ ماكن دي .

با يوسف سمفي ، كاكن ٢ دي رمفس

كاين هق ايه دي بري تو،

فس امبيق يوسف تاموق دالم تلاك تهور هق كريغ ، فس كاكق دي كي مكن ناسي ً .

تقه ۲ فواق کاکق یوسف دوق ماکن ، دی نمفق سفواق اورغ منیاک

هق دوق هادف نق كي كا نكري مصير . دي دي فون فاكت ستوجو نق جوال اديق دي كا فواق تو .

سوده جوال ، دي امبيق كائين هق يوسف ليسيك داره كمبيغ ، باوا كليق ، تنجوق كا ايه ، كات : نيله كائين هق يوسف ، ايه ، با نبي يعقوب تيغوق كائين تو ، دي ترياق بلغ ٢ كات : انق كو ماتي ده !

باليق يوسف فول، فواق اورغ منياك تو، باوا دي كي كا نكري مصير ، جوال دي فول كا سئورغ منتري راج ، نام فوتيفر .


دعا

يا توهن بغاكو ، اكو ني اورغ بردوسا ، مينتا توهن بري اكو بوليه فوتوس هابيس دغن سموا فراسا ن جاهت دالم هاتيكو ، سروف دغكي ، موريه ، بنچي دان لايُن الأي. اكو مينتا دغن نام ربي .

يوسف كنا بوبوه دالم كوق

يوسف كنا كسوساهن هق برت ده ، تافي دي تا ترلوف كا توهن . يوسف فون بوليه بوات كرج دي د رومه منتري فوتيفر تو دڤن راجين فس دڠن اخلاص هاتي . توهن فون بري منتري تو كهور ٢ بوليه هارف كا يوسف ، هيڠڭ سمفي منتري سوروه يوسف بوليه فادول كا سموا كرج دالم رومه دي تو ،

جاتوه ساتوهاری منتری تا ٔاد . فس بینی دی برکنن کا یوسف ، کاچغ اجق یوسف




بيني منتري سائني

7 براس موریه ، دی فون چرکارُو کا کایُن یوسف، تافی یوسف سندیری دان لاری .

بیلا منتری راج کلیق کا رومه، بینی دی تنجوق کاین، کات: یوسف ماسوق نق بوات کاچائو، منتری تو فون موریه کا یوسف، سوروه کی ایکت، بوبوه دالم کوق.

دالم كوق فون يوسوف دوق ايڤت كا توهن لاكي . دي فون بردعا مينتا ً توهن تولوغ دي هاري٢٠٠



يا توهن بفاكو ،
تكه هيبليس ماري نق چوب هاتي اكو ،
مينتا توهن بري اكو فندي تومفغ دغن كواس هق روح توهن ،
انتوق نق بوليه برديري تكف ،
تا كنا توروت هاوا نفسو .

اكو مينتا ً دڠن نام ربي ،

امین

يوسف دوق باپق هاري دالم كوق ، تافي توهن دوق اد سكالي دغن يوسف سعمور، فس دي بري اورغ توغكو كوق تو بوليه هارف كا يوسف دالم سموا فركارا .

اد دوا اوغ همب هن راج نگري مصير تو هي كنا هن بري راج تا بركنن ، سابيت تو دي كنا بوبوه دالم كون جوك . دي كدوا اوغ فريغكت تيغكي سيكيت ، سئوغ همب تو ، دي هن كرج اغكيت روتي ، فس سئوغ لائي هن كرج اغكيت مينومن كا راج . دوا اورغ تو دوق دالم كون لام جوك ، فس توان كون فون بري يوسف تولوغ دي بوات جادي همب .

جاتوه ساتو مالم دوا اورغ همب تو ميمني، تافي معنان لايُن ٢٠ چره فاكي دي دوق سرابوت فروت سبب نق تاهو نق جادي لاكو مان ، فس دي رويت بري يوسف تاهو. يوسف فون بوليه تعبير حال ميمني دوا اورغ تو كران توهن بري

دي فندي . يوسف رويت كات : ميمفي تو اد معنا بالس ني - سمفي تيك هاري سئورغ تو نق كنا اڠكيت تيڠكي دڠن بوليه فربڠكت كليق سمولا ، تافي سئورغ ني نق كنا اڠكيت تيڠكي دڠن كنتوڠ تڠكوق ،

چوكوف تيك هاري جادي سوڠكوه هق يوسف رويت تو .

بیلا اورغ تو هق نق بولیه کلیق فریغکت دی نق توبیت کوق ، یوسف فون مینتا دغن دی ، فرن مینتا دغن دی ، فسن کا دی کات : تولوغ رویت کا راج بری کسیاغ بلس کا امب کاتیق ، کران امب دوق دسینی

تا اد ساله اف۲۰

اورغ تو فون جنجي نق رويت ، تافي با دي بوليه فريڅكت كليق تو ، دي ترلوف هابيس مق يوسف فسن . فس يوسف كنا دوق دالم كوق لاكي .

دعا

یا توهن بغاکو ،
اکو مینتا توهن تولوغ اکو بری بولیه ایغت کات توهن دوق اد سکالی دغن اکو کنف ماس. اکو فوجی کا توهن سبب توهن دوق کاسیه کا اکو سعمور ۲ ، سبب توهن تا بیاس لوف کا اکو ، فس اکو فوجی سبب ، تکمه اورغ لاین دوق بنچی کا اکو فون ، توهن دوق کاسیه جوک ، توهن دوق کاسیه جوک ، فس ، تکمه اورغ لائین کیچیق هودوه اتوا فس ، تکمه اورغ لائین کیچیق هودوه اتوا بوات هودوه کا اکو ، اکو بولیه هارف کا توهن لائی .

اكو مينتام فس اكو فوجي . دغن نام رتبي . امين

اکو دوق فوجي کا توهن سعمور۲.

راج نکري مصير ميمغي جوک

لفس فد تو دوا تاهون لبيه ، راج نكري مصير ميمفي جون ، ميمفي السني:

راج دوق دتغي سوغي ، نمفق لمبو توجوه ايكور مق كموق چوميل ، نائيك د دالم سوغي كي ماكن رومفوت . فس راج نمفق لمبو لمبو توجوه ايكور فول ، مق تولغ سروغكيغ مق نائيك دالم سوغي كي مكن هابيس لمبو مق كموق چوميل تو .

ميمفي بالس تو تا ً لام راج تركجوت جاڭ ، فس تو جندرا سمولا ، ميمفي لاڭو لائين فول .

دي نمفق فوهون كندوم سفوهون بربواه توجوه تفكائي مق لبت ، لفس تو دي نمفق فوهون بربواه توجوه تفكائي مق ريڤكيه ، كي تلن مابيس تڤكائي مق لبت سائني .

دي فون كره ماري برهيمفون رعيت دي ، سموا اورغ هق فندي ٢ تعبير ميمغي ، تافي سموا تو تائيه هورائي سئورغ هابوق ، باروله همب راج هق بوليه كليق فريغكت دي تو ترايقت كا هق يوسف فسن دوا تاهون دولو تو . دي كات كا راج : معافله توانكو! امب بوات ساله ترمادف سئورغ نام يوسف هق دوق دالم كوق ، فس دي رويت فريحال هق جادي ده تو كا راج ، راج فون سوروه كي فقكيل يوسف ماري سلالو.



بیلا یوسف ماری مغهادف ، راج رویت حال میمغی دی تو . فس دغن فرتولوغن توهن ، یوسف فندی تعبیر معنا هق راج میمغی تو .



دي كات بالس ني: لمبو من كمون من چوميل توجوه ايكور دغن كندوم سفوهون من لبت ٢ توجوه تغكائي تو ، معنان سروف ، جادي سلام توجوه تاهون توانكو نن بوليه حاصل باين ، فس لمبو من تولغ سروغكيغ توجوه ايكور دغن كندوم سفوهون من ريغكيه توجوه تفكائي تو ، معنان سروف .

لفس فد توجوه تاهون هق توانكو نق بوليه حاصلن باپق سائني ، نق اد توجوه تاهون فول جادي كماراً و بسر .

سابیت دوا کالي میمفي ، تنتو توهن نق بري جادي بالس تو .


بایک توانکو لتق سئورغ هق بیجق فندی بولیه سیمفن چادغ تاروه سکیان حاصلن توجوه تاهون هق مولیق ، انتوق توجوه تاهون هق کمارا و بسر ، کالو بوات بالس تو ، رعیت ۲ توانکو تا میومر ،

راج دغن رعیت فون ستوجو کا هق یوسف رویت سانی ، فس راج لتق یوسف استورغ جورو سیمفن گردی میری کست تی کی سکالی را اس سموا منتری دی .



يا توهن بفاكو، اكو هاتي صبر، اكو مينتا توهن بري كا اكو هاتي صبر، بري كا اكو هاتي صبر، بري اكو بري اكو بوليه تبيغ مينتا دعا سهيڤك سمفي ماس هق توهن نق جواب بري سمفرن سموا هق اكو دوق مينتا توهن بري اكو بوليه دوق صبر ماس لاني كران اكو تاهو كات توهن نق بري اكو سلامت. اكو دوق هارف كا رحمة توهن ساج،

اكو مينتا دغن نام ربي



كاكق٢ نبي يوسف تا كنل دي

فس جادي سوغكوم سروف مق يوسف رويت. سرات دنیا فون کمارا و هابیس ، ملینکن د نکر*ي مصير* ساج مق اد مکانن .

فس نبی یعقوب ، ایه نبی یوسف ، دغرخبر کات دنگری مصیر اد مکانن مق بولیه بلي . دي فون سوروه انق٢ دي کي بلي . انق مع كنا في تو ، سفولوه اورغ هق جادي

كاكن يوسف ، تافي اديق يوسف نام بنجامین تو ، نبي يعقوب تا بري کي سابيت دي سايغ ،

با سمغي کا نگري مصير ، کاکق۲

یوسف سائنی کنا تمو

دغن اورغ هق دوق معق دوق معلن ، تافي

دي تا کنل

اديق دي يوسف نو. بافي نبى يودىف

18 كنل دي فس ايڤت كا هق دي ميمفي دولو، كات اديق براديق دي نق سجود دافن دي .

نبي يوسف فون نق سودي هاتي كاكق٢ دي، نق تاهو دي هاتي كرس لأني كا دق، سابيت تو يوسف كات كاكق٢: فواق مو جادي مات٢ كلف!

فواق كاكن يوسف جواب كات: بوكن! بوكن بوكن بالس تو ، فواق كيت ماري دنگري كنعان نق چاري مكانن ساج ، ايه كيت دغن اديق كيت سئورغ لاكي دوق ننتي دنگري كيت .



تافي نبي يوسف بوات تا فرچاي لاکي . دي سوروه کاکن دي دي باوا بنجامين ، ادين دي هن دون هن سجاتي ، هن دون دغن ايه لاکي ، ماري کا نکري مصير ، باروله دي کات نن جادي تندا کات فواق مو

تا ٔ جادی مات ۲ کلف ، فس نبی یوسف سوروه بوه فواق کاکق۲ دی دالم کوق تیک هاری ، نق تیغوق کاکت دی سدر کا دق لاکی کات دیری دی اورغ هاتی کرس دولو .

لفس تیک هاری یوسف سوروی باوا کالق دی ماسوق مفهادف دی سمولا ، فس فسن کا دی کات: هیفک سمفی فواق مو کلیق کا نگری فس باوا ادیق مو تو ماری کا سینی اکو نق فکغ سئورغ دالم فواق مو د سینی دالم

با دغر بالس تو، سنورغ كاكن يوسف كات كا اديق براديق دي: ها! بي جادي بلاسن هي كيت بوات جاهت كا اديق كيت يوسف دولو، تافي دي تا تاهو كات يوسف ارتي هق دي كيچيق تو، سبب دي تا چم لاكي.

فواق كاكق يوسف فون باوا مكانن كليق كا نكري دي، تيغكل ستورغ كاكق مق يوسف دالم كوق دنكري مصير تو.

یا توهن بفاکو، بیلا اکو بوات ساله، مینتا ٔ توهن برب اکو سدر کا دیری سلالو کات اکو ساله ده دفنداغن توهن ۰

تورونه روح توهن اتس اكو بري اكو بوليه ميسل سوغكوه ٢ فس جوغ مفاكو ، جوغ بايقكي كسلاهن كو تو .

تورونله روح توهن اتس اكو بري اكو كابر كات توهن كنا تورون مرك اتس دوسا ٢ كوسموا، فس تورونله روح توهن اتس اكو بري اكو بوليه نمفق جالن سلامت فد حكومن هق توهن لتق ده انتوق اورغ بردوسا سروف اكو .

اكو مينتا دغن نام ربي ، امين .



انبي يعقوب كي تمو نبي يوسف د نكري مصير

تائلام نبي يعقوب سوروه كاكن يوسف كي فول چاري مكانن دنگري مصير، تافي دي تائبراني كي كالو تائباوائ بنجامين كي كاتيق ، ايه دي فون تائبري كي ، تاكوت ماتي سروف يوسف دولو، فس تائاد سئورغ مابوق ده انق مق بيني مودا ، مق نبي يعقوب كاسيه باپق تو ،

كهور لام كهور كماراؤ تروق لائي ، هيڠڬ سمفي نبي يعقوب كنا بري بنجامين كي جو^ك دغن كاكق٢ دي تو .



سمغي ديق نون ، فواق تو تمو دغن نبي يوسف فول . كهندق يوسف نق بري كاكن كنل دي تافي دي نق سودي الأي ، سابيت تو ، يوسف بري كليق دغن مكانن ، تافي دي سوروه اورغ بوبوه چاون فيرق من دي دالم كوندي بنجامين

فواق ادیق برادیق یوسف تو فون فاکت کلیق ، فس یوسف سؤروه اورغ توروت بلاکغ ، اورغ تو رویت کات : با اف مو رویت کات : با اف مو تیفو توان اکو ، چوری چاون فیرق هق دی ؟



فواق تو فون براس سرابوت فروت . دي كنا كليق كا نكري مصير ، ني مقهادف يوسف فول، بيلا سمغي ده ، نبي يوسف كات : اورغ لائين بوليه كليق . هق چوري كنا دوق د سيني .

سئورغ دالم فواق كاكن تو جواب:
اوه ، توان! كالودي تائكليق ، ايه د رومه
سوسه هاتي باپق ، بلرله امب كنتي دودوق
د سيني ، بري اديق امب كليق .

با دغر بالس تو ، نبي يوسف فون اود تأليه ، كنا بري كنل كا كاكن دي ، سابيت دي تاهو دلا كات كاكن تو سسل دلا فركارا هن دي بوات كا يوسف دولو تو . نبي يوسف فون بوك راهسيا بري كنل كا كاكن دي كات : جاغن سسل ساغتله ، توهن اد توجوان بري بوليه سسل ساغتله ، توهن اد توجوان بري بوليه

ادیق ماری دوق سینی ، نق بری سلامت کا سموا كلوارك كيت.


لغس تو نبي يوسف سوره كليق امبيق ایه ، سموا هق اد درومه ، ماری دودوق د نكري مصير ، فس نبي يعقوب فون دغن سموا رومه تغک دي تو ، براليه کي دودوق دغن نبي يوسف دنكري مصير.


یا توهن ، یا بغاکو ،

بريله ا*كو ني جادي سروف نبي* يوسف . اورغ بوات ساله كا أكو ، بري أكو بوليه سره كا توهن ساج ، بري توهنله بري بالسن هقسوغ. اكو تاهوكات اورغ هن چاري بالسن سنديري بوات دوسا ، سبب دي بوات ديري كنتي توهن . أكو مينتا عثن نام ربي .



سودارا بوليه سمبوغ باچ دالم سورت نمبر 4





204 34 ถนนกาญจนา 1 จังหวัดยะลา كا جالن كنجنا 1 چغواد جالا